

# 中國風土志叢刊

● 北戶錄

● 南海百咏

● 南海百咏續編

- ◇ 郡縣沿革
- ◇ 山川改易
- ◇ 古迹存亡
- ◇ 風俗演變
- ◇ 氣候變遷
- ◇ 鄙事俚語
- ◇ 人情掌故
- ◇ 城坊舊聞



唐・段公路撰

北  
戶  
錄

---

圖書在版編目(CIP)數據

北戶錄/(唐)段公路撰.一影印本.一揚州:廣陵書社,2003.4

(風土志叢刊;62/張智主編)

本書與“南海百詠/(元)方信儒撰·南海百詠續編/(清)樊封撰”合訂

ISBN 7-80694-007-3

I.北… II.段… III.風俗習慣-廣東省 IV.  
K892.465

中國版本圖書館 CIP 數據核字(2003)第 033910 號

---

## 《北戶錄》

《北戶錄》三卷，唐段公路撰。清《四庫全書》本。

段公路，臨淄（今屬山東）人。唐懿宗時代人。官京兆萬年縣尉。段公路在廣州時作《北戶錄》，主要記述嶺南風土物產約五十多種，涉及獸鳥、昆蟲、水產等。《四庫全書總目提要》稱其：「載嶺南風土，頗爲賅備，而於物產爲尤詳。」世有一卷本，疑爲節本。書前有陸希聲原序。

北戶錄原序

詩人之作本於風俗大抵以物類比興達乎情性之源  
自非觀化察時周知民俗之事博聞多見曲盡萬物之  
理者則安足以蘊為六義之興流為絃歌之美哉由是  
言之則古之學者固不厭博博而且信君子難之東牟  
段君公路鄒平公之孫也自未能把筆愛以指畫地如  
文字及六七歲受學果能強力不罷其學尤長仄僻人  
所不能知者嫻乎羣籍之中乞乞然有餘力間者以事

南遊五嶺間常采其民風土俗飲食衣製歌謠哀樂有異於中夏者錄而志之至於草木果蔬蟲魚羽毛之類有瑰形詭狀者亦莫不畢載非徒止於所聞見而已又能連類引證與奇書異說相參驗真所謂博而且信者矣噫近日著小說者多矣大率皆鬼神變怪荒唐誕妄之事不然則滑稽詼諧以為笑樂之資離此二者或強言故事則皆詆訾前賢使悠悠者以為口實此近世之通病也如君所言皆無有是其著於錄者悉可考驗此

蓋博物之一助豈徒為譚端而已乎君以予往從事嶺南備覈其實請予序以為證予嘗觀圖於書府君狀貌一似鄒平公而又能以文學世其家於乎鄒平公為有後矣因為之序而不辭右拾遺內供奉陸希聲撰



欽定四庫全書

北戶錄卷一

唐段公路撰

龜圖註

通犀

通犀

山海經云犀似水牛而豬頭脚似象有三蹄小腹黑色三角一在頂上一在額上一在鼻上鼻上小

而不欄又云鼻上者良韓詩外傳曰太公使南宮括至

義渠得駭維犀獻紂犀角二一在頂上一在鼻上鼻上

者食角也今人呼為胡裙犀是也抱朴子云犀解於山

中人以木如其角代之犀不覺後年輒解也又南州異

物志曰獸曰玄犀處自林麓食唯棘刺體兼五

肉又含精吐烈望如華燭置之荒野禽獸莫觸置大霧

次已曰犀

北戶錄

重露下終不沾濡又堪為釵纛

又見吳均續齊諧記蔣潛得通犀纛後被豫章

王江夫人斷以為釵魚名連花又云宋岑獲通犀纛賣與廬陵王義真又元康末婦人以犀角瑇瑁為谷鉞戈

戰戴之明也

撓藥酒酒生沫若貯米飼雞雞見輒驚散一呼

為駭雞犀

駭雞犀出大秦又有離水犀行則水為之開

或中茵箭刺於創中

立愈蓋犀食百毒棘刺故也愚重譯於蕃人事皆不虛

廣志云犀角之好者稱雞豚白邪子橫云又犀角表有光因名明犀置閭中有影色今廣州有善

理犀者能補白犀

東觀漢記曰章帝元和元年日南獻白雉白犀補了以鐵夾

夾定藥水煮而拍之膠為一體製梳掌多作禽魚隨意

匠物論其妙至於鑄玉者方之蔑如也又有裁龜甲或

背蝸

斷日脚者

陷黑玳瑁為斑點者亦以鐵夾煮而用之為

腰帶觀疊子之類其焙淨真者不及也玳瑁切韻字從

玉文選字從虫歐陽詢飛白從甲愚以甲為是

字話亦從甲也

凡玳瑁甲生取者治毒第一其力不下婆薩石愚曾取

解毒立驗南人神之亦甚辟惡與符拔甲相類

廣志云符拔如

麟畢皮有麟甲甲以辟惡也

### 孔雀媒

雷羅數州收孔雀雛養之使極馴擾致於山野間以物  
絆足傍施網羅伺野孔雀至即倒網掩之舉無遺者或  
生折翠羽以珠刀毛編為簾子拂子之屬粲然可觀真  
神禽也

又後魏書龜茲國孔雀羣飛山谷間人取養而食之字乳如雞鷩其王家恒千餘隻一說

孔雀不足偶但音影相接便有孕如白鵝雄雌相視則  
孕或曰雄鳴上風雌鳴下風亦孕見博物志

又淮南八公相鵠經

曰復百六十年變止雌雄相視目睛不轉而孕千六百  
年形定也又稽聖賦豪豕自為雌雄缺鼻曾無北牡即  
雌兔舐雄而孕是矣又周書曰成王時方人獻孔鳥方亦戎別名

山海經南方孔鳥郭璞注孔雀也宋紀曰孝武大明五年有郡獻白孔雀為瑞者噫象以齒而焚麝因香而死今孔雀亦以羽毛為累得不悲夫愚按說文曰率鳥者繫生鳥以來之名曰圖字林音由今獵師有圖也淮南萬畢術曰鳴鵠致鳥注云取鳴鵠折其大羽絆其兩足以為媒張羅其旁衆鳥聚矣博物志又云鵠鵠休鳥一名鳴鵠晝日無所見夜則目至明莊子云鳴鵠夜撮蚤察毫末晝出冥目而不見丘山言性殊也人截手爪弃

露地此鳥夜至人家拾取視之則知有吉凶凶者輒更  
鳴其家有殃也陳藏器引五行書除手爪埋之戶內恐  
為此鳥所得其鵩鵩即姑獲鬼車鵩鵩類也姑獲玄中  
記云夜飛晝藏一名天帝少女一名夜行遊女一名隱  
飛好取人小兒食之今時小兒之衣不欲夜露者為此  
物愛以血點其衣為誌即取小兒也又云衣毛為鳥脫  
毛為女人昔豫章男子見田中有六七女人不知是鳥  
扶匍往先得其所解毛即藏之即往就諸鳥各走取毛

衣飛去一鳥獨不去男子取為婦生三女其母後使女  
問父知衣在積稻下得之衣而飛去後以衣迎三女兒  
得衣亦飛去鬼車一名鬼鳥今猶九首能入人屋收魂  
氣為犬所噬一首常下血滴人家則凶荆楚歲時記夜  
聞之捩狗耳言其畏狗也白澤圖云昔孔子子夏所見  
故歌之其圖九首今呼為九頭鳥也毛詩義疏曰鴉大  
如鳩惡聲鳥入人家凶其肉甚美可為炙漢供御物各  
隨其時唯鴉冬夏施之以美也禮內則曰鴉胖莊子云

見彈求鴉炙陳藏器又云古人重其炙尚肥美也又按  
說文曰梟不孝鳥至日捕梟磔之如淳曰漢使東郡送  
梟五月五日作梟羹賜百官以其惡鳥故食之愚謂古  
人尚鴉炙是意欲滅其族非為其美也又淮南萬畢術  
齔瓦止梟鳴取破齔向梟抵之輒自止也

### 鷓鴣

衡州南多鷓鴣解嶺南野葛諸菌毒及辟溫瘴前臆文  
為白圓點又一名鵪音述多對啼每啼連轉數音其韻甚

高廣志言遮姑鳴云但南不北

如逃閭聲云戀壺盧繫頸

古今注云

其鳴自呼

常向日飛畏霜早晚稀出宿即以樹葉覆其身上也

南越志云鷓鴣充

鳥也雖復東西廻翔然而命翮之始必也南翥其鳴自

號杜薄州食之亡癘此三說啼處豈同於牛屋辯哉唯

本草說鳴云鈎輈格磔

竹客反

小類

### 鷓鴣瘴

廣之南新勤春十州呼為南道多鷓鴣

字林鷓鴣書作鷓字又江表傳

曰孫權曾大會白頭鳥集殿前權曰此何鳥諸葛恪對曰白頭公張昭自以坐中最老疑恪戲之因曰未聞

大邑司馬全書

北戶錄

五